



## Zajedno protiv kriminala



Značajna saradnja policijskih organa

# Sporazum SIPA-e sa MUP-ovima kantona

U službenim prostorijama SIPA-e potpisan je Sporazum o međusobnom pružanju pomoći i operativnoj saradnji policijskih agencija u BiH. Sporazum je potpisan između SIPA-e i osam kantonalnih MUP-ova, dok će sa preostala dva MUP-a (Hercegovačko-neretvanski i Livanjski kanton) biti potpisan početkom naredne sedmice.

Sporazum su potpisali direktor SIPA-e Perica Stanić, ministri i komesari navedenih ministarstava i načelnik Sektora MUP-a Bosansko-podrinjskog kantona. Potpisnici Sporazuma istakli su značaj saradnje

policijskih organa na svim nivoima u BiH, u skladu sa zakonom propisanim nadležnostima, za uspješnu borbu protiv svih oblika kriminala i efikasnije suprotstavljanje aktuelnim sigurnosnim izazovima.

Direktor SIPA-e potpisao je 29.12.2015. godine Sporazum o međusobnom pružanju pomoći i operativnoj saradnji policijskih agencija u BiH sa MUP-om Republike Srpske, Federalnom upravom policije i Policijom Brčko distrikta BiH, nakon čega je inicirano potpisivanje Sporazuma i sa kantonalnim ministarstvima unutrašnjih poslova.